

Plenchi

Bèl a bati

Nos fiel bishitantenan di plenchi bon bini bèk riba plenchi di skol. Kontentu ku nos por risibí bo atrobe riba nos plenchi. Di nos parti nos lo hasi tur posibel pa bo pasa dushi i kontentu riba nos plenchi e aña eskolar aki atrobe. Bon Dios nos ta pidi pa E guia nos hubentut i nan mayornan i otro edukadornan ku su Spiritu Santu. Skolnan a ranka sali yen di spit. Plenchinan yená ku hóbennan ku yen di zjeitu i energia pa no kaba. Laga nos huntu hasi e aña eskolar aki un eksitoso. Despues di un eksitoso startconferentie pa personal di nos skolnan, nos a enterkambia ku tur parlamentarionan, komersiantenan, instanshanan edukashonal riba futuro di nos enseñansa. Tabata un merdia masha fruktifero. Nos ke yama danki na tur ku a akudí.

Hubilarionan tambe a haña nan selebrashon simpel pero den un ambiente di gradisimentu. Nos a gradisí tur hubilario pa nan 25, 30, 35, 40 i hasta unu di 45 aña den servisio. Pabien un baiha mas i masha danki pa e dedikashon i amor pa nos hóbennan.

Riba roster

Seguro Básiko

Nos ke korda tur personal di Rk riba e formulario ku mester yena pa Seguro Basiko. Desishon a kai ku tur hende mester yena formulario i pone nòmber di dòkter pa nan i pa kada di nan miembronan di famia. Pues e asunto ku si bo no yena dokter nan ta pone un pa bo, no ta balido mas. Si bo no yena e formulario bo no ta haña karchi. Riba nos website bo por yena bo datonan pa asina nos fasilitá e trabou pa bo. Pa otro kasonan urgente of foutnan riba e karchinan si bo mester akudí na SVB. Un tiki pasenshi pero pronto tur kos ta keda reglá. Tur kos nobo tin su puntonan pa drecha.

Riba nos website tin tur informashon tokante seguro básiko ku ta relevante pa nos personal, Subi riba www.rkcs.org pa e informashon.

Not'é riba bòrchi

Falta algun dia pa ta dia di dosente. Dia 5 di oktober ta e gran dia. Riba e dia aki nos tur ta korda i resa pa e maestronan ku a aporta na nos edukashon i nos karera profeshonal. E miho regalo ta pa duna nan e respet i kariño pa nan amor i dedikashon. Kualke forma pa ekspresá bo

gratitut. Anto orashon semper ta un regalo grandi. Resa pa Señor kuida i protehánan i drama nan i nan famia ku bendishon.



Riba rapòrt

Tisaydi Louisa Isebia ta un alumno di Kolegio Martin de Pores ku tin diferente aña tras di otro ta sali alumno mas sobresaliente di klas. Un pabien na Tisaydi, i nos ta spera ku e ta logra su meta pa bolbe presta tòp e aña aki den grupo 8.



Den agènda

5 di oktober dia di dosente

Liber di skol 5 pa 9 di oktober

Mi ta konta

E poder di bo mente

Dolorita tabatin basta dia problema pa hana un trabou pa e por kumpli ku su responsabilidatnan di mama. Su tres yunan tabatin 3 dia ta kome un snechi pan mainta, un merdia i un atardi. E mes tabata keda sin kome hopi biaha pa no laga su yunan ku hamber.

Un dia, na kaminda for di su kas na Penstraat pa Punda, el a sinta su kabes ta bira komo si fuera e ta bai kai flou. Mesora el a drenta den un hanchi smal i kai sinta bou di un palu grandi. Ei bou el a yora di desesperashon. Despues el a kuminsa seka su lagrimanan i a pensa, mara mi por haña un bon kuminda pa mi por sisti mi stoma delegá. Mesora a aparese un tayo yen yen di guiambo ku funchi, e loke el a desea. E no por a ekre su bista. El a kome tur ku duele ku e no por a warda algu pa su yunan. Despues el a desea ku e por haña un par di bleki di tuna, banana i hariña di funchi pa e por kushiná kuminda kayente pa su yunan. Mesora a aparesé un saku ku tur loke el a desea. Dolorita no por a kere su wowo. Mesora el a sigui desea mas kos. Mara mi por haña un kabei boto pa mi yega kas pa mi por kushiná. Mesora un bisiña a kore pasa, miré i duné un lift bai kas. Na kaminda el a desea pa e bisiña aki por stòp di papia poko den su kabes paso si e sigui e ta kapas di dal e outo aki kibra. Ni 2 minut despues nan a haña nan envolví den en aksidente bastante mahos. Dolorita a spanta masha di tantu e dalmentu komo di su miedu òf yame pensamentu ku a bira realidat. Tur spantá i konfundí Dolorita a subi su kama e anochi ei. Un kos el a siña si, ku pensamentu por wordu realisá. Tantu kos bon komo kos malu. El a primintí su mes ku mañan lo e sali pa buska trabou ku un pensamentu positivo i desidido. Konfiando ku lo e logra haña un trabou pa e por kria su yunan.

Un preñchi

Pabien i danki un biaha mas na tur hubilario di RKCS. Riba e potretnan boso por mira e diferente grupnan ku a keda pone den lus na ougustus último.



E hubilarionan ku a kumpli 25 aña den servisio huntu ku miembro di direktiva di RK.



Hubilarionan ku a kumpli 30 aña den servisio



Hubilarionan ku a kumpli 35 aña di servisio



Hubilarionan ku a kumpli 40 aña di servisio

Mucha djispou

Den klas mener ta puntra Rene tokante direkshon:

Mener: “Rene si bo dilanti na nòrt, na bo man drechi ta ost kiko tin na bo man robes? Anto kiko tras di bo lomba.

Despues di pensa algun minut Rene ta konstestá”

Rene: “Na mi man robes.....mi oloshi. Tras di mi lomba... Jason.